

UNIVERZITET U TUZLI

Na osnovu člana 96. Zakona o visokom obrazovanju ("Službene novine Tuzlanskog kantona" broj 8/08), člana 248. tačka 28. Pravila Univerziteta u Tuzli (Prečišćeni tekst) i Odluke Senata Univerziteta u Tuzli o upisu studenata u I godinu prvog ciklusa studija na fakultete/Akademiju Univerziteta u Tuzli u akademskoj 2009/2010. godini i utvrđivanju participacije studenata svih studijskih godina u troškovima studija broj: 03-5421-1/09. od 01.07.2009. godine, raspisuje se

K O N K U R S ZA UPIS STUDENATA U I GODINU PRVOG CIKLUSA STUDIJA NA UNIVERZITET U TUZLI U AKADEMSKOJ 2009/2010. GODINI

I OPŠTE ODREDBE

USLOVI ZA PRIJEM STUDENATA

Član 1.

Pravo učešća na Konkursu imaju kandidati državljani BiH, strani državljani i lica bez državljanstva sa završenom srednjom školom u četvorogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Pravo učešća na Konkursu za prijem na redovan studij imaju nezaposlena i izdržavana lica. Zaposlena lica imaju pravo učešća na Konkursu na studijske odsjeke na kojima je organizovan vanredan studij.

Član 2.

Na Fakultete/Akademiju Univerziteta u Tuzli u akademskoj 2009/2010. godini u I godinu prvog ciklusa studija prvi put će se upisati slijedeći broj studenata:

Red. broj	Naziv fakulteta/Akademije Odsjek	Redovni studij		Vanredni studij
		Finansiranje iz Budžeta TK	Uz plaćanje školarine	
1.	Akademija dramskih umjetnosti	10	5	20
	• Odsjek: Produkcija	10	5	20
2.	Edukacijsko-rehabilitacijski fakultet	90	45	-
	• Odsjek: Logopedija i Surdoaudiologija	30	15	-
	• Odsjek: Edukacija i rehabilitacija	30	15	-
	• Odsjek: Poremećaji u ponašanju	30	15	-
3.	Ekonomski fakultet	180	160	100
	• VII stepen	120	120	
	• Visoka poslovna škola - Studij u Tuzli - Studij u Travniku	- 60	- 40	100 -
4.	Fakultet elektrotehnike	90	45	-
	• Odsjek: Energetska elektrotehnika	30	15	-
	• Odsjek: Tehnička informatika	30	15	-
	• Odsjek: Komunikacije	30	15	-
5.	Farmaceutski fakultet	30	30	-

6.	Fakultet za tjelesni odgoj i sport	30	30	60
	• VII stepen	30	30	
	• Visoka trenerska škola			
	Studijski programi:			
	- Sport	-	-	30
	- Specijalne namjene	-	-	30
7.	Filozofski fakultet	210	265	-
	• Odsjek: Bosanski jezik i književnost	20	20	-
	• Odsjek: Historija	20	20	-
	• Odsjek: Razredna nastava	20	20	-
	• Odsjek: Strani jezici			
	- Engleski jezik i književnost	20	20	-
	- Njemački jezik i književnost	20	20	-
	- Turski jezik i književnost	-	30	-
	• Odsjek: Žurnalistika	20	20	-
	• Odsjek: Pedagogija i psihologija	20	20	-
	• Odsjek: Tehnički odgoj i informatika			
	Studij u Tuzli	20	20	-
	Studij u Travniku	30	15	-
	• Odsjek: Socijalni rad	-	40	-
	• Odsjek: Filozofija-Sociologija	20	20	-
8.	Mašinski fakultet	90	45	-
	• Odsjek: Energetsko mašinstvo	30	15	-
	• Odsjek: Proizvodno mašinstvo	30	15	-
	• Odsjek: Mehatronika	30	15	-
9.	Medicinski fakultet	60	60	150
	• Studij medicine	60	60	-
	• Visoka zdravstvena škola	-	-	
	Studijski programi:			
	- Fizioterapija	-	-	30
	- Medicinsko-laboratorijska dijagnostika	-	-	30
	- Radiološka tehnologija	-	-	30
	- Medicinska protetika i ortotika	-	-	30
	- Sanitarno zdravstvo	-	-	30
10.	Pravni fakultet	60	60	120
11.	Prirodno-matematički fakultet	180	95	-
	• Odsjek: Matematika	40	20	-
	Studijski programi:			
	- profesor matematike	20	10	-
	- diplomirani matematičar	20	10	-
	• Odsjek: Fizika	40	20	-
	Studijski programi:			
	- profesor fizike	20	10	-
	- diplomirani fizičar	20	10	-
	• Odsjek: Geografija	20	15	-
	• Odsjek: Biologija	40	20	-
	Studijski programi:			
	- profesor biologije	20	10	-
	- diplomirani biolog	20	10	-
	• Odsjek: Hemija	40	20	-
	Studijski programi:			
	- profesor hemije	20	10	-
	- diplomirani hemičar	20	10	-

12.	Rudarsko-geološko-građevinski fakultet	150	85	-
	• Odsjek: Rudarski	30	10	-
	• Odsjek: Geološki	30	10	-
	• Odsjek: Građevinski	30	45	-
	• Odsjek: Bušotinska eksploatacija mineralnih sirovina	30	10	-
	• Odsjek: Studij sigurnosti i pomoći	30	10	-
13.	Tehnološki fakultet	150	105	-
	• Hemijsko-tehnološki odsjek Studijski programi: - Hemijsko inženjerstvo	30	15	-
	- Ekološko inženjerstvo	30	30	-
	• Odsjek: Prehrambena tehnologija - Studij u Tuzli	30	30	-
	- Studij u Travniku	30	15	-
	• Odsjek: Zaštita okoline	30	15	-
	UKUPNO:	1330	1030	450
	UKUPNO: (Redovni)	2360		
	UKUPNO: (Redovni + Vanredni)	2810		

Član 3.

U provođenju konkursnog postupka Univerzitet će organizovati dva upisna roka. Ukoliko se ne popuni broj slobodnih mjesta za upis u prvom upisnom roku, obaviti će prijem prijave i izbor kandidata u drugom upisnom roku, u terminima utvrđenim ovim Konkursom.

PRVI UPISNI ROK

a) Za fakultete Univerziteta u Tuzli

- podnošenje prijave vršiti će se od 02.07. do 08.07.2009. godine;
- prijemni ispit održati će se 10.07.2009. godine u 9,00 sati;
- privremena rang-lista kandidata objavit će se 13.07.2009. godine, a konačna 17.07.2009. godine;
- upis primljenih kandidata traje od 20. do 24.07.2009. godine.

b) Za Akademiju dramskih umjetnosti:

- podnošenje prijave vršiti će se od 02.07. do 08.07.2009. godine;
- I dio prijemnog ispita – test općeg znanja održati će se 09.07.2009. godine u 10,00 sati;
- II dio prijemnog ispita (pismeni dio) obaviti će se 10.07.2009. godine u 10,00 sati, a usmeni dio dana 11.07.2009. godine u 10,00 sati;
- privremena rang- lista kandidata objavit će se 13.07.2009. godine, a konačna 17.07.2009. godine;
- upis primljenih kandidata traje od 20. do 24.07.2009. godine.

DRUGI UPISNI ROK

a) Za fakultete Univerziteta u Tuzli:

- podnošenje prijave vršiti će se od 01. do 05.09.2009. godine;
- prijemni ispit održati će se 10.09.2009. godine u 9,00 sati;
- privremena rang-lista kandidata objavit će se 14.09.2009. godine, a konačna 18.09.2009. godine;
- upis primljenih kandidata traje od 21. do 24.09.2009. godine.

b) Za Akademiju dramskih umjetnosti:

- podnošenje prijave vršit će se od 01. do 05.09.2009. godine;
- I dio prijemnog ispita – test općeg znanja održat će se 10.09.2009. godine u 10,00 sati;
- II dio prijemnog ispita (pismeni dio) obaviti će se 11.09.2009. godine u 10,00 sati, a usmeni dio dana 12.09.2009. godine u 10,00 sati;
- privremena rang- lista kandidata objavit će se 14.09.2009. godine, a konačna 18.09.2009. godine;
- upis primljenih kandidata traje od 21. do 24.09.2009. godine.

Član 4.

Univerzitet u Tuzli upisuje utvrđeni broj studenata prema opštim i pojedinačnim kriterijima te uspjehu na prijemnom ispitu.

Prijemni ispit polažu svi prijavljeni kandidati.

Rangiranje kandidata vrši se na osnovu ukupnog broja bodova ostvarenih prema slijedećim kriterijima:

- 1. opšti kriteriji** odnose se na postignuti uspjeh u srednjoj školi i donosi najviše 50 bodova;
- 2. pojedinačni kriteriji** odnose se na prosjek ocjena iz jednog do tri predmeta u dva razreda srednje škole, koji su od značaja za odgovarajući studij i donose najviše 10 bodova;
- 3. prijemni ispit** polaže se iz jednog do tri predmeta koji su od značaja za odgovarajući studij, na način utvrđen članom 11. Konkursa, a donosi najviše 40 bodova.

Član 5.

Broj bodova po osnovu opštih kriterija utvrđuje se tako da se prosječna ocjena (zaokružena na jednu decimalu) iz svih predmeta, u svim razredima srednje škole množi sa brojem 10 (deset).

Član 6.

Broj bodova po osnovu pojedinačnih kriterija utvrđuje se tako da se prosječna ocjena (zaokružena na jednu decimalu) iz jednog do tri predmeta, u dva razreda srednje škole koji su od značaja za odgovarajući studij, množe se brojem 2 (dva).

Član 7.

Prijemni ispit je eliminatoran.

Kandidati na prijemnom ispitu moraju ostvariti najmanje **20 bodova**, da bi ostvarili pravo da uđu u dalji postupak odabira.

Član 8.

Pod jednakim uslovima, a primjenom kriterija iz člana 4. i člana 7. ovog Konkursa, prioritet pri upisu imaju lica iz člana 1. Zakona o dopunskim pravima boraca - branitelja ("Službene novine Tuzlanskog kantona" broj: 3/07).

Član 9.

Prijavu na Konkurs na propisanom obrascu, sa odgovarajućom dokumentacijom, kandidati su dužni podnijeti u utvrđenom roku lično ili preporučeno putem pošte studentskoj službi fakulteta/ Akademije. U prijavi na Konkurs kandidat mora naznačiti odsjek /usmjerenje/studijski program fakulteta/ Akademije na koji se želi upisati, te da li se prijavljuje na redovan ili vanredni studij.

Uz prijavu se obavezno prilažu: originalno svjedočanstvo o završenom srednjem obrazovanju, originalna svjedočanstva svih razreda srednje škole, Izvod iz matične knjige rođenih ili ovjerena fotokopija CIPS-ove lične karte i Uvjerenje o državljanstvu, ne starije od 6 mjeseci i uvjerenje nadležnog organa za lica koja pripadaju kategoriji lica utvrđenih članom 19. Zakona o dopunskim pravima boraca i članova njihovih porodica ("Službene novine Tuzlanskog kantona" broj 3/07).

Uz prijavu se obavezno prilaže i koverta sa poštanskom markom na kojoj je ispisana adresa kandidata, radi povrata dokumenata kandidatima koji ne budu primljeni.

Prijave podnesene poslije utvrđenog roka, kao i nepotpune prijave (bez odgovarajućih dokumenata) neće se uzeti u razmatranje.

Provođenje Konkursa za upis je oslobođeno takse.

Za bliža obavještenja kandidati se mogu obratiti studentskoj službi fakulteta/Akademije lično ili putem kontakt telefona, te korištenjem web stranice Univerziteta: **www.untz.ba**

Član 10.

U akademskoj 2009/2010. godini studenti participiraju u troškovima studija ili plaćaju školarinu u iznosu utvrđenom Odlukom o upisu studenata u I godinu prvog ciklusa studija na fakultete/Akademiju Univerziteta u Tuzli u akademskoj 2009/2010. godini i utvrđivanju participacije studenata svih studijskih godina u troškovima studija, koja će biti objavljena na oglasnim pločama fakulteta/Akademije i na WEB stranici Univerziteta.

II POJEDINAČNE ODREDBE

KRITERIJI ZA UPIS

Član 11.

1. AKADEMIJA DRAMSKIH UMJETNOSTI U TUZLI

- Adresa: Ul. ZAVNOBiH br.2. Tuzla

- Telefon: 035/277-690

Prijemni ispit na Odsjeku «Produkcija» koji polažu svi kandidati traje 3 dana, a sastoji se iz tri dijela:

1. Test općeg znanja;
2. Pismeni dio (izrada produkcionog projekta- pozorište, film, radio, TV, izdavaštvo, muzička produkcija...);
3. Usmeni dio (razgovor kandidata sa Komisijom i mogućnost elaboracije produkcionih projekata iz oblasti kulture i umjetnosti koje nisu obrađivali u II dijelu prijemnog ispita).

2. EDUKACIJSKO-REHABILITACIJSKI FAKULTET U TUZLI

- Adresa: Tuzla, Ul. Univerzitetska broj 1.

- Telefon: 035/320-677; 320-679

- **Predmeti koji se boduju po pojedinačnim kriterijima su: Bosanski/Hrvatski/Srpski jezik, Biologija i Sociologija / Demokratija i ljudska prava, što je za kandidata povoljnije.**

- **Prijemni ispit: Test opšteg znanja.**

3. EKONOMSKI FAKULTET U TUZLI

- Adresa: Tuzla, Ul. Univerzitetska broj 8.

- Adresa: Travnik, Ul. Školska bb (Srednja tehnička škola Travnik)

- Telefoni: 035/320-823; 320-825

- **Predmeti koji se boduju po pojedinačnim kriterijima su: Matematika i Informatika.**

- **Prijemni ispit: Test iz predmeta Matematika i Informatika.**

3.1. VISOKA POSLOVNA ŠKOLA

- **Predmeti koji se boduju po pojedinačnim kriterijima su: Informatika i Demokratija i ljudska prava/ Sociologija, šta je za kandidata povoljnije.**

- **Prijemni ispit: Test iz predmeta Informatika i Demokratija i ljudska prava/Sociologija.**

4. FAKULTELT ELEKTROTEHNIKE U TUZLI

- Adresa: Tuzla, Ul. Franjevačka broj 2.

- Telefon: 035/259-609; 259-610

- **Predmeti koji se boduju po pojedinačnim kriterijima su: Matematika i Fizika.**

- **Prijemni ispit : Test iz predmeta Matematika.**

5. FARMACEUTSKI FAKULTET U TUZLI

- Adresa: Tuzla, Ul. Univerzitetska broj 8.
- Telefon: 035/320-998
- **Predmeti koji se budu po pojedinačnim kriterijima su: Hemija, Biologija i Matematika / Fizika, šta je za kandidata povoljnije.**
- **Prijemni ispit: Test iz predmeta Hemija, Biologija i Matematika.**
- Kandidat koji u srednjoj školi nije učio latinski jezik po programu srednje škole dužan je ispit položiti do završetka zimskog semestra.

6. FAKULTET ZA TJELESNI ODGOJ I SPORT U TUZLI

- Adresa: Tuzla, Ul. 2. oktobra broj 2.
- Telefon: 035/278-537
- **Predmet koji se budu po pojedinačnim kriterijima je: Tjelesni i zdravstveni odgoj.**
- **Prijemni ispit: Test iz motoričkih sposobnosti i znanja.**

7. FILOZOFSKI FAKULTET U TUZLI

- Adresa: Tuzla, Ul. Muharema Fizovića-Fiska broj 6.
- Adresa: Travnik, Ul. Školska bb (Srednja tehnička škola Travnik)
- Telefon: 035/306-342

Studijski odsjek: Bosanski jezik i književnost

- **Predmet koji se budu po pojedinačnim kriterijima je Bosanski/Hrvatski/Srpski jezik.**
- **Prijemni ispit : Test iz predmeta Bosanski/Hrvatski/Srpski jezik.**

Studijski odsjek: Historija

- **Predmet koji se budu po pojedinačnim kriterijima je Historija.**
- **Prijemni ispit: Test iz predmeta Historija.**

Studijski odsjek: Razredna nastava

- **Predmeti koji se budu po pojedinačnim kriterijima su: Bosanski/Hrvatski/Srpski jezik i Matematika.**
- **Prijemni ispit: Test opšteg znanja.**
- **Studijski odsjek: Pedagogija-Psihologija**
- **Predmeti koji se budu po pojedinačnim kriterijima su: Bosanski/Hrvatski/Srpski jezik i Sociologija / Demokratija i ljudska prava, šta je za kandidata povoljnije.**
- **Prijemni ispit: Test opšteg znanja.**

Studijski odsjek: Tehnički odgoj i informatika

- **Predmeti koji se budu po pojedinačnim kriterijima su: Matematika, Fizika i Informatika.**
- **Prijemni ispit: Test opšteg tehničkog znanja.**

Studijski odsjek: Strani jezici

Grupa: Engleski jezik i književnost

- **Predmeti koji se budu po pojedinačnim kriterijima su: Bosanski/Hrvatski/Srpski jezik i Engleski jezik .**
- **Prijemni ispit: Test engleskog jezika i književnosti.**

Grupa: Njemački jezik i književnost

- **Predmeti koji se budu po pojedinačnim kriterijima su: Bosanski/Hrvatski/Srpski jezik i Njemački jezik.**
- **Prijemni ispit: Test iz njemačkog jezika i književnosti.**

Studijski odsjek: Turski jezik i književnost

- Predmet koji se boduje po pojedinačnim kriterijima je **Bosanski/Hrvatski/Srpski jezik i Historija.**
- Prijemni ispit: **Test iz Lingvistike.**

Studijski odsjek: Žurnalistika

- Predmeti koji se boduju po pojedinačnim kriterijima su: **Bosanski/Hrvatski/Srpski jezik, Strani jezik i Sociologija / Demokratija i ljudska prava**, šta je za kandidata povoljnije.
- Prijemni ispit: **Test opšteg znanja.**

Studijski odsjek: Socijalni rad

- Predmeti koji se boduju po pojedinačnim kriterijima su: **Bosanski/Hrvatski/Srpski jezik i Sociologija / Demokratija i ljudska prava**, šta je za kandidata povoljnije.
- Prijemni ispit: **Test opšteg znanja**

Studijski odsjek: Filozofija-Sociologija

- Predmeti koji se boduju po pojedinačnim kriterijima su: **Bosanski/Hrvatski/Srpski jezik i Filozofija / Sociologija**, šta je za kandidata povoljnije.
- Prijemni ispit: **Test iz Filozofije / Sociologije.**

8. MAŠINSKI FAKULTET U TUZLI

- Adresa: Tuzla, Ul.Univerzitetska broj 4.
- Telefon: 035/320-924
- Predmeti koji se boduju po pojedinačnim kriterijima su: **Matematika i Fizika.**
- Prijemni ispit: **Test iz predmeta Matematika.**

9. MEDICINSKI FAKULTET U TUZLI

- Adresa: Tuzla, Ul.Univerzitetska broj 1.
- Telefon: 035/320-603; 035/320-609
- Predmeti koji se boduju po pojedinačnim kriterijima su: **Biologija, Hemija i Fizika.**
- Prijemni ispit: **Test iz predmeta Biologija, Hemija i Fizika.**
- Kandidat koji u srednjoj školi nije učio latinski jezik po programu srednje škole dužan je ispit položiti do završetka zimskog semestra.

9.1. VISOKA ZDRAVSTVENA ŠKOLA U TUZLI:

- Predmeti koji se boduju po pojedinačnim kriterijima su: **Biologija i Hemija.**
- Prijemni ispit: **Test iz predmeta Biologija i Hemija.**
- Kandidat koji u srednjoj školi nije učio latinski jezik po programu srednje škole dužan je ispit položiti do završetka zimskog semestra.

10. PRAVNI FAKULTET U TUZLI:

- Adresa: Tuzla, Ul.Muhameda Hevaija-Uskufija broj 7.
- Telefon: 035/250-657
- Predmeti koji se boduju po pojedinačnim kriterijima su: **Bosanski/Hrvatski/Srpski jezik i Historija/Demokratija i ljudska prava**, šta je za kandidata povoljnije.
- Prijemni ispit: **Test iz predmeta Bosanski/Hrvatski/Srpski jezik i Historija/Demokratija i ljudska prava.**
- Kandidat koji u srednjoj školi nije učio latinski jezik po programu srednje škole dužan je ispit položiti do završetka zimskog semestra.

11. PRIRODNO-MATEMATIČKI FAKULTET U TUZLI

- Adresa: Tuzla, Ul.Univerzitetska broj 4.
- Telefon: 035/320-864

Studijski odsjek: Biologija

- Predmeti koji se boduju po pojedinačnim kriterijima su: **Biologija i Hemija.**
- Prijemni ispit: **Test iz predmeta Biologija.**

Studijski odsjek: Fizika

- Predmeti koji se boduju po pojedinačnim kriterijima su: **Fizika i Matematika.**
- Prijemni ispit: **Test iz predmeta Fizika.**

Studijski odsjek: Geografija

- Predmet koji se boduje po pojedinačnim kriterijima je **Geografija.**
- Prijemni ispit: **Test iz predmeta Geografija.**

Studijski odsjek: Hemija

- Predmeti koji se boduju po pojedinačnim kriterijima su: **Hemija i Biologija.**
- Prijemni ispit: **Test iz predmeta Hemija.**

Studijski odsjek: Matematika

- Predmeti koji se boduju po pojedinačnim kriterijima su: **Matematika i Fizika.**
- Prijemni ispit: **Test iz predmeta Matematika.**

12. RUDARSKO-GEOLOŠKO-GRAĐEVINSKI FAKULTET U TUZLI

- Adresa: Tuzla, Ul.Univerzitetska broj 2.
- Telefon: 035/320-560
- **Predmeti koji se boduju po pojedinačnim kriterijima su:**
Matematika i Bosanski/Hrvatski/Srpski jezik/Fizika/Hemija, šta je za kandidata povoljnije.
- **Prijemni ispit:** - **Test iz predmeta Matematika i Informatika (za sve odsjeke),**
 - **Test iz predmeta Fizika za odsjeke: Rudarski, Građevinski i Bušotinska eksploatacija mineralnih sirovina,**
 - **Test iz predmeta Hemija za odsjeke: Geološki i Studij sigurnosti i pomoći.**

13. TEHNOLOŠKI FAKULTET U TUZLI

- Adresa: Tuzla, Ul.Univerzitetska broj 8.
- Adresa: Travnik, Ul. Školska bb (Srednja tehnička škola Travnik).
- Telefon: 035/320-746
- **Predmeti koji se boduju po pojedinačnim kriterijima su: Matematika/Hemija/Fizika/ Informatika/Biologija, šta je za kandidata povoljnije.**
- **Prijemni ispit: Test iz predmeta Hemija.**

NAPOMENA: Naknadno će biti objavljeno mjesto polaganja prijemnog ispita na oglasnim tablama fakulteta/Akademija i WEB stranici Univerziteta.

III PROCEDURE ZA PRIJEM I UPIS STUDENATA

Član 12.

Postupak realizacije ovog Konkursa na Univerzitetu provode Komisije koje imenuju dekani fakulteta/Akademije.

Komisije su dužne da obezbijede tajnost ispitnog materijala i druge dokumentacije do okončanja prijemnog ispita.

Nakon provedenog prijemnog ispita, Centralna komisija sačinjava privremenu rang-listu i objavljuje je na oglasnoj tabli fakulteta/Akademije u roku utvrđenom ovim Konkursom.

Privremena rang-lista se utvrđuje prema ostvarenom broju bodova po opštim i pojedinačnim kriterijima i uspjehu na prijemnom ispitu i to od najvećeg do najmanjeg broja ostvarenih bodova.

Na objavlvenu privremenu rang listu kandidati mogu uložiti pismeni prigovor naučno-nastavnom/umjetničko-nastavnom vijeću fakulteta/Akademije putem komisije za žalbe, a isti se predaje preko studentske službe fakulteta/Akademije, u roku od 3 (tri) dana od dana objavljivanja privremene rang-liste.

Konačnu Odluku po žalbi donosi naučno-nastavno vijeće/ umjetničko-nastavno vijeće fakulteta /Akademije, nakon čega utvrđuje konačnu listu, koju objavljuje na oglasnoj ploči fakulteta/Akademije narednog dana od dana usvajanja, sa naznakom do kojeg broja su kandidati primljeni.

IV ZAVRŠNE ODREDBE

Član 13.

Upis kandidata vrši se na osnovu konačne rang-liste.

Prilikom upisa na Univerzitet u Tuzli primljeni kandidati su dužni priložiti ljekarsko uvjerenje i dokaz o uplati participacije/školarine u troškovima studija.

Za upis primljenih kandidata na Univerzitet, kandidati prilažu i popunjen propisani upisni materijal: prijavni list, upisni list, semestralni list i upisnicu - index, te dvije kolor fotografije formata za indeks, a o čemu će dobiti potrebne informacije putem oglasne ploče.

Kandidati za upis koji imaju mjesto prebivališta izvan sjedišta Univerziteta mogu obezbijediti smještaj i ishranu u Studentskom centru Univerziteta u Tuzli pod uvjetima utvrđenim posebnim Konkursom.

Napomena kandidatima: Preporučuje se kandidatima da, prije podnošenja originalnih dokumenata na Konkurs obezbijede, za sopstvene potrebe, odgovarajući broj ovjerenih fotokopija dokumenata, jer se upisanim kandidatima dokumenta neće moći ni privremeno izdavati.
